



## Universitätsbibliothek Paderborn

**R. P. Thomæ Tamburini Societatis Iesu Siculi  
Caltanisettensis, In Alma Vniversitate nobilis Civitatis  
Messanæ, Theologiæ Primarij Professoris. Explicatio  
Decalogi Duabus distincta partibus**

In qua omnes ferè conscientiæ casus, ad decem Præcepta pertinentes,  
mira brevitate, claritate, & quantum licet, benignitate declarantur

Continens sex Libros posteriores in Decalogum, id est, expositionem  
præceptorum secundæ tabulæ

**Tamburini, Tommaso**

**Monachii, Anno M.DC.LIX.**

Damnum illatum à tuis, num. 4.

**urn:nbn:de:hbz:466:1-39995**

dem Petri , reliquit januam apertam , injusta acceptione , quomodo cumque unde factum est , ut eadem nocte accidentes alij fures , perque domum apertam ingressi , furati sint duos equos ejusdem Petri : queritur jam , an Antonius obligetur ad restitucionem , non solum vestium , quas est furatus , de quibus non est dubium , sed etiam aulæorum utriusque domus , & equorum ?

2. Respondeo , non a obligari ad restitucionem aulæorum , obligari tamen ad equorum restitucionem . Ratio est ducenda ex dictis . Nam destrutio aulæorum Petri , multo magis aulæorum Titij , fuit omnino per accidentis & indirecta ipsi Antonio ; & ex alia parte actio præferendi facularum , cum non sit ex se periculosa , & caussans incendium , non potest dici fuisse caussa per se destructionis . est enim omnino easuale , ut ex facula , quam quis fert , oriatur incendium . At quia communione est , & ex se periculosum , ut aperta domo de nocte ingrediantur fures , ideo Antonius , qui januam apertam reliquit , fuit causa injusta damni illati in furto equorum : ac propterea ad illius damni restitucionem erit obligandus .

a De Lugo t. 1. de just. d. 18. sec. 4. n. 87. citans Molinam l. etiam Dicafilum li. 2. tr. 2. de just. d. 3. d. 2. n. 72.

3. Dices ; quid si fax casu incendisset eas vestes , quas fur surripere intendebat ? Respondeo sub distinctione : b si enim eas vestes furatus est ; & apud se incense fuerint , obligabitur ad illarum valorem restituendum , quia statim , atque eas apud se retinuit , contraxit obligationem restituendi , ex

injusta acceptione , quomodo cumque apud se easdem perire contingat . At si antequam ipse eas surripisset , incensæ casu & præter intentionem fuissent , non contraheret obligationem restituendi , quia tunc per accidentis latroni fuisset incendium , licet per se futura fuisset acceptio , si incensæ vestes non fuissent .

b Idem de Lug. ib. nn. 88.

Damnum illatum à tuis .

4. Huc item spectat quodlibet damnum , atque adeo homicidium à tuo animali , mancipio , filio illatum : de quo dico primò , si graviculpa , id est , mortali suaseris vel jussieris damnum , occasionemve , vel negligens graviter fuisti in illis custodiendis , te mortaliter peccare , reumque esse integræ restitucionis , luce clarius est , quia sic injusta caussa damni es . Verum , si damnum ab ijsdem irrogatum fuerit , te nesciente , vel te nulla gravi culpa negligente , ad nihil d ante sententiam in conscientia teneris : ratio est , quia non teneris ex re accepta : res enim supponitur perisse : nec ex injusta acceptione , quia tu nullam gravem culpm , ut supponimus , commisisti . Post sententiam , est distinguendum . Nam aliud de animali & mancipio , aliud de filio est sentendum . De quibus .

c De damno hoc præter citando l. Dicafil. li. 2. de rest. tr. 2. d. 3. d. 1. d. Loff. i. 2. c. 9. d. 17. n. 115. & passim DD. in l. si servus 2.

5. Dico secundò : si animal tuum , vel



vel tuus servus damnum vere, quamvis sine tua culpa irrogavit, tunc debes post sententiā vel damnum resarcire, vel, si mavis, animal vel servum qui noxam fecit, dare ei, qui passus est damnum. Ratio est, quia ita jura pro foro externo justè sanxerunt. leges enim possunt ob publicum bonum decernere, ut aliquid, etiam si tua culpa non præcesserit, à te solvatnr post sententiam, ad quod ante illam nequam in conscientia tenebaris. Servus tamen, etiam post dictam sententiam, posset, ut non se daret damnificato, ailio fugere, & ad fugam ab amicis adjuvari; siquidem nimis esset durum, hominem obligare, ad se proxima dan-dum. Quod si is habeat peculium independens à domino, debet illi ipse, si velit fugere, restituere, quando in damno faciendo, modo jam jam dicto deliquit. Imo puto obligari ipsum ad restitutionem de suo dicto peculio, si mortaliter peccavir; contraxit enim ipse obligatio-nem restitutionis ex jure naturæ (& quidem ante dominum, & ante omnem sententiam, in conscientia.) ex injusta damnificatione.

Dixi (vere, quamvis sine tua culpa irrogavit) nam si verum non fuit damnum à tuo animali, vel servo illatum, tu non obligaris in conscientia ad standum tali sententiæ, & posses occulte tibi compensare, si voluisses, & qui accepit, si ipsi id certo consta-ret, non posset justè retinere. Ratio est, qui sententia semper supponit, vel damnum factum à tuo animali, vel servo: hoc igitur non posito, te sen-

tentia in conscientia, non afficit; cum tunc e jussu modi sententia contineat intolerabilem errorem; atque adeo sit re ipsa injusta. Quod si res sit dubia, debes stare sententiæ, quia possessio stat ex parte judicis, donec appareat manifestè in justitia.

6. Dico tertio: si filius absque culpa parentis alium occidat, vel damno afficiat, ad q̄ nihil in conscientiæ foro tenetur pater, quia ubi culpa non est, nec adest poena. Imo nec in foro externo leges præcipiunt, ut filius unquam dedatur à patre pro noxa; quia id inhumanam saperet duritiem. Quando ergo damnum à filio infer-tur, sanctæ leges disponunt, ut ipse filius, qui liber est, non vero parens conveniatur.

*q. Vide Silvestrum v. restitutio ver-sus fin.*

### §. III.

*De obligatione restitutionis ex injusto ho-micidio directo, &c.*

1. **E**x homicidio directo, &, propter paritatem rationis, ex vulneratione, mutilatione &c. tunc solum debetur *a* in conscientia restitutio, cum adfuit culpa gravis theologica, hoc est, peccatum mortale: si enim nulla, vel etiam, in sententia multorum, venialis dumtaxat, saltem communiter non debetur. Sicuti etiā excusat *b* homicida, si unde solvat, non habeat, vel si ex solu-tione inducatur in gravem necessita tem: quæ sunt alibi universaliter dicta.

*a De Iug.*

